

HOMENAJE NA REMBRANDT' DI E PINTOR ARUBIANO GN



WWW.SOLODIPUEBLO.COM



SOLODIPUEBLO@GMAIL.COM


TENSION NA COLEGIO ARUBANO ATROBE: MAS CU 10 DOCENTE LO BANDONA SCOL

Tin desacuerdo serio cu Mariska Dania,
president di bestuur



KIA TA CONTRIBUI ACTIVAMENTE NA COMUNIDAD DURANTE ARUBA DOET

DAMA A BOLTER CU SU TOYOTA VITZ NA HATO



CMB TA PARTICIPA DEN BIKE, RUN & WALK-A-THON

organisa pa Brighter Future
Academy Foundation



DAMA A BOLTER CU SU TOYOTA VITZ NA HATO



HATO - Diasabra merdia den un calor intenso polis, brandweer y ambulance a sali direccion di Hato pa un auto cu bolter y tin hende pega.

Tawata algo pasa di 2'or

di merdia cu un Toyota Vitz maneha pa un dama a perde control y bay bolter den e greppel pazuid di caminda.

Manera e cu e auto a keda, tawata dificil pa saca e dama y pa e motibo aki



brandweer a wordo avisa. Esaki a sosode algun cien meter pabou di Kazerne na Tanki Flip.

Den algun minuut a corta e auto y saca e dama, cu tawata na tino pero den dolor inmenso. Paramediconan mesora a tume over y hink'e den ambulance pa hib'e



Hospitaal.

Minister Geoffrey Wever:

DCALFA CU DIFERENTE RESULTADO POSITIVO PA DESAROYO DI ARUBA SU SECTOR PRIMARIO

Oranjestad, 23 mei 2025 - Minister di Finansa, Asunto Economico y Sector Primario, Geoffrey Wever, ta mira bek riba un conferencia di Dutch Caribbean Agriculture, Livestock, and Fisheries Alliance (DCALFA) hopi exitoso cu a tuma lugar durante e ultimo dianan na Boneiro. DCALFA ta un encuentro importante pa futuro sostenibel di agricultura, pescacria di bestia den Caribe Hulandes. E participacion di Aruba na e conferencia aki ta di vital importancia mirando e vision y e plannan di e minister cu ta inclui e.o. desaroyo di un Agri-Innovation Park pa Aruba.

Participacion den panel

Durante e conferencia Minister Wever, representando Aruba a participa den un panel strategico,

hunto cu diputado Anjelica Cicilia di Boneiro y Recheline Leerdam di St. Eustatius unda a dialoga riba un vision comun pa garantisar seguridad di cuminda na nivel di Reino den Caribe Hulandes.

Roadmap pa desaroyo agricola Mirando e importancia pa stimula produccion local, mehora seguridad di cuminda y reduci dependencia di importacion di alimento, na final di e conferencia Minister Wever hunto cu coleganan mandatarionan di otro islanan Hulandes den region, a firma un roadmap como un reafirmacion di e Memorandum of Understanding (MoU) firma entre Aruba y e islanan ruman na aña 2023.

Portal digital pa informacion

Durante di e conferencia tambe DCALFA a lansa su website nobo, un plataforma cu ta pone informacion crucial directamente na man di agricultornan, piscadornan y emprendedornan den Caribe Hulandes. E website ta inclui informacion relevante tambe pa financiamiento obtenibel manera subsidio pa exportacion y inversion (DHI, SIB), fondonan di EU y microcredito agrario (Qredits), y tambe ta conta cu esfuersonan di capacitacion, coaching y apoyo tecnico.

“Conferencianan manera DCALFA ta di vital importancia si nos kier keda desaroya y sigui eleva e produccion local di alimento na nos islanan pa identifica oportunidad pa colaboracion estrecho entre nos



islanan,” Minister Wever a bisa.

Minister Wever ta gradici y felicita e team organisador cu un biaha mas a logra organisa un conferencia exitoso. Tambe Minister Wever ta gradici e delegacion di Aruba, entre otro DLVV bou guia di Sra. Nathaly Maduro, y Sra. Maria Dijkhoff-Pita di DAECI pa nan input y colaboracion valioso pa representa Aruba dignamente.

TENSION NA COLEGIO ARUBANO ATROBE: MAS CU 10 DOCENTE LO BANDONA SCOL

Tin desacuerdo serio cu Mariska Dania, president di bestuur

Oranjestad – Situacion na Colegio Arubano ta birando preocupante atrobe, segun informacion cu Solo di Pueblo a haña for di fuente den e scol mes, tin mas cu 10 docente a indica cu nan lo bandona Colegio Arubano pa bai traha na otro scol.

Docentenan ta expresa nan descontento profundo cu e manera cu e scol ta wordo maneha bou di liderazgo di e presidente di bestuur actual, Sra. Mariska Dania.

Segun nos a bin compronde, e tension den e scol a yega un nivel cu e rector anterior, Sr. Tim Croes, a tuma desicion di sali mei-mei di e aña escolar 2023-2024. Esaki, segun nos fuente, pa motibo cu e no por a traha mas bao di e presion y desacuerdo cu Dania, kende ta dirigi e bestuur di

Colegio Arubano.

“E no tabata laga Sr Croes hasi su trabou manera mester. Tur cos tabata wordo maneha for di Dania mes. Nos a mira cu comosifuera e tabata directora tambe,” un di e docentenan anonimo a bisa.

Un otro punto preocupante ta cu nan a stop e stage pa stagiaires, locual ta pone un obstaculo pa estudiante cu ta depende di practica pa por gradua. Sin stage, hopi por no logra termina nan su formacion di docente.

Ademas, segun fuentenan interno, hubentud lo keda sin guia, sin continuidad y sin motivacion, ora cu e bon docentenan ta saliendo un pa un.

Un otro miembro di bestuur, señor Eric



Illes, cu tabata goza di confiansa di docentenan, supuestamente a sali tambe, pa motibo di conflicto interno cu Dania.

Na otro banda, ta wordo indica cu docentenan tabata precupa cu Dania kier a hinca su yiu den scol, sin cu e tin e bevoegdheid necesario pa e puesto.

“E señora aki no ta comunica cu respet, y

nos no por traha den un ambiente asina. Nos ta maestro, pero tambe hende cu dignidad,” e fuente a agrega.

Kiko ta pasando den Colegio Arubano?

E pregunta ta cla: Kick ta pasa cu e scol cu ta nos orguyo cu ta forma nos hobennan pa tuma over funcionnan importante den nos comunidad?

Rector a bai, Docentenan ta saliendo, Stagiarenan sin por stage, un ambiente di miedo i desmotivacion.

Docentenan ta pidi pa ministerio di Enseñansa y obispado tuma accion de inmediato, pa investiga e situacion y restablece un ambiente cu ta propicio pa enseñansa di calidad.

DOS AMIGO BEBI DI EDAD HALTO A BRINGA CU OTRO



Santa Cruz - Diabierna anochi polis a bay Cede di MEP, unda cu lo tin un persona herida.

Polis di Santa Cruz a compronde na nan yegada cu lo tawata tin un discusion, entre dos amigo cu ta sinta eynan. Ambos

tawata bebi. Por a mira cu e dos cabayeronan di edad a bringa basta bon cu otro, debi cu tawata tin varios cos benta abou y stulnan gebolter.

Parse cu un rato prome un di esnan involvi den e pelea a wordo hiba cas. E cabayero di edad na e sitio tawata tin un kap na cabes y tawata sangra bastante.



Ambulance a wordo pidi pa controla e cabayero y Paramediconan cu a yega a dun'e e atencion medico cu e tawata mester.

Pues trempnan nan tawata amigo, y ora alcohol a subi minimo cos a causa un discusion cu a termina na maltrato di un.

GOBIERNO DI ARUBA A NOMBRA TRES MIEMBRO NOBO DEN HUNTA DI COMISARIO DI TRIPLE A CU EXPERTICIO IMPRESIONANTE



Diabierna 23 di mei 2025, Minister di Turismo, Transporte y Labor mr. Wendrick Cicilia, como representante di e accionista mayoritario di Aeropuerto Internacional Reina Beatrix, a convoca un Algemene Vergadering van Aandeelhouders, cu e Hunta di Comisario y Interim Management Team di Aeropuerto. E punto di agenda tabata pa atende e posicion di e Hunto di Comisario di Triple A.

Dia 20 di mei, Gobierno como doño exclusivo di aeropuerto, a ricibi carta di 3 miembro di Hunto di Comisario cu ta entrega nan retiro a base boluntario entrante 23 di mei 2025 mirando cu nan no ta alinea cu e vision di Gabinete AVP-Futuro pa e direccion den cual kier hiba nos aeropuerto. Minister Cicilia a gradici sr. Gerald Tsu, sr. Sven Faarup y sr. Hubert Dirks pa nan trabao haci como miembro di Hunta di Comisario.

Durante e reunion di 23 di mei, Gobierno como unico doño di aeropuerto, a presenta tres candidato

nobo como miembro di Hunta di Comisario, conforme e statutonan di Triple A. Gobierno di Aruba, conforme articulo 21 di e statutonan, tin e competencia exclusivo pa nombra e miembronan di e Hunta di Comisario nobo. Durante di e reunion a ofrece y propone tres persona pa e Hunta di Comisario nobo. Den e cuadro aki, conforme articulo 23 y articulo 10, a ofrece e Hunta di Comisario actual y e Interim Management Team, e oportunidad pa conseha Gobierno y duna nan pensamiento riba e proposicion di Gobierno di Aruba. Ni e Hunta di Comisario ni e Interim Management Team tabatin obhecion pa e candidatonan cu gobierno a presenta.

E tres miembronan nobo di Hunta di Comisario pa Triple A ta sr. Fin Bonset, sra. Sanju Luidens-Daryanani y sra. Marion Kan. E cantidad di experiencia specifico di e miembronan nobo aki ta impresionante y ta representa e calidad cu Gobierno kier pa un

instituto clave manera Triple A.

- Sr. Fin Bonset tin un Master in Science in Aviation y ta specialisa entre otro den International Airport Operations, Airport Privatization Initiatives in Latin America y ta miembro activo certificado di American Association of Airport Executives. Sr. Bonset tin mas di 25 aña di experiencia den “Aviation Development Consulting” cu ta inclui experticio tecnico, construccion practico y corporate know-how. Den pasado e tabata miembro caba di e Hunto di Comisario pa Triple A y su conocimiento operacional y strategico lo fortifica e liderazgo den e sector aereo di Aruba. Su reputacion internacional ta reforsa e obhetivo di Gobierno pa hiba Aruba Airport na nivel mundial den innovacion y rendimiento.

- Sra. Sanju Luidens-Daryanani tin un Master degree in Business Administration y ta un nomber conoci den e mundo di turismo na Aruba cu mas di 30 aña di liderazgo den Destination Marketing, Strategic Planning y Organizational Transformation na Aruba Tourism Authority (ATA). Sra. Luidens-Daryanani a ocupa un papel central den e transformacion di ATA for di un entidad gubernamental pa un institucion privatisa. Su



acercamento innovativo, su conocimiento profundo di e industria turistico, y su rol crucial den e Maneho Nacional di Turismo, ta haci'e un miembro vital pa traha den sinergia entre turismo y aviacion.

- Sra. Marion Kan tin un Bachelor of Science den Management and Economics, y ta un experto den finanzas cu 38 aña di experiencia den entre otro Financial Analysis & Forecasting, Budgeting and Cost Control, Financial Reporting, Strategic Planning & Advisement. Desde 2016, sra. Kan ta Manager Private Banking and Investment Services na Caribbean Mercantile Bank N.V., y su perfil bancario ta ofrece un elemento crucial den supervision financiero di Triple A. Desde 2006, sra. Kan ta fungi como miembro di un cantidad

impresionante di Hunto di Comisario y Supervision. Su presencia lo amplia e angulo di maneho y sigura un direccion financieramente solido. Sra. Kan lo presidi e Hunta di Comisario di Triple A. Minister Wendrick Cicilia ta confia den e experticio di e candidatonan aki paso e ta kere cu e institucion di Triple A N.V. ta vital pa maneho di turismo, prosperidad di nos economia y bienestar general di Aruba. E candidatonan aki ta carga e vision di Gobierno pa cumpli cu tur e metanan cu Triple A a pone nan dilanti. E nombramento di e miembronan nobo ta un paso strategico pa realinea e direccion, reforsa liderazgo, y pa garantiza cu Aruba tin un aeropuerto cu ta fortifica nos economia den forma sostenibel y moderno.

CMB TA PARTICIPA DEN BIKE, RUN & WALK-A-THON

organisa pa Brighter Future Academy Foundation



Oranjestad – Caribbean Mercantile Bank (CMB) ta orguyoso di su participacion den e Bike, Run & Walk-a-Thon organisa pa Brighter Future Academy Foundation. E evento tabata un gran exito, cu meta pa promove un bon causa educativo.

Brighter Future Academy Foundation ta un fundacion, cu ta traha pa yuda y guia hobenan cu necesidad educativo y emocional, pa nan por

logra un futuro miho. E fundacion ta ofrece apoyo academico, mentoría y desaroyo personal den un ambiente seguro y motiva. Varios empleado di CMB a participa activamente den e evento, eligiendo pa core, drenta den caminata of bicicleta riba distancia di diferente cantidad di kilometer. E entusiasmo y energia positivo di e team di CMB tabatin un impacto inspirando durante e mainta.

Pa duna apoyo adicional

na e fundacion, CMB a haci un donacion di Afl. 10.000,00. E suma aki lo yuda Brighter Future Academy Foundation den su esfuerzo pa sigui empodera hobenan di Aruba.

CMB ta creyendo den e importancia di sostene desaroyo di e muchanan y ta compromete pa sigui participa den iniciativa cu tin impacto positivo riba comunidad di Aruba.

WOMEN'S CLUB OF ARUBA A HACI UN DONACION IGUAL NA CUATER INSTANCIA DI CARIDAD, COMO PARTI DI E CELEBRACION DI NAN 90 AÑA DI EXISTENCIA

Women's Club of Aruba (WCA), un forsa dedica na bienestar di mucha, hende muhe y adulto mayo riba nos isla, ta contento di anuncia un donacion significativo di Awg10.000 distribui den forma igual entre cuater organisacion local. E contribucion substancial aki, caminda cada organisacion a ricibi e suma di Awg 2.500 ta marca un punto importante den e celebracion di e di 90 aniversario di WCA y ta refleha e sosten increibel di nos comunidad den nos esfuerso di colecta fondo pa por duna bek na comunidad.

Despues di un revision cuidadoso di diferente proposicion di proyecto, WCA a scoge e siguiente cuater organisacionnan pa nan trabou di gran impacto:

- **Lean on Me Aruba Foundation:** E fundacion aki ta provee sosten y cuido crucial, incluyendo un baño, paña, corta cabey di e personanan sin cas, y ta depende di donacion pa ofrece e servicionan esencial.

- **Mary Joan Foundation:** Conoci riba nos isla. E fundacion aki ta provee cuido sicologico y fisico vital na hende muhe cu ta luchando cu cancer di pecho, funcionando como un salabida durante momentonan dificil.

- **Stichting Kids Creation Center:** Loke a cuminsa como un

centro di cuido di dia, a evoluciona y bira un scol dedica na muchanan di cualkier background. E fundacion aki ta conoci particularmente pa su manera di acercamento inclusivo, yamando bonbini na muchanan cu mester di cuido special y educacion sin excepcion.

- **Youth with a Mission ABC Foundation:** En general e organisacion aki ta yuda personanan den necesidad. Nan proyecto specifico, "La Sala" na San Nicolas, ta enfoca riba yuda e damanan cu ta traha den e area cu ta enfrenta desafionan unico y dificil, atendiendo luchanan hopi biaha desconoci den comunidad.

"Nos ta sumamente contento di por haci e bunita donacion aki, cu ta un resultado directo di e tremendo colaboracion di publico cu nos actividadnan pa recauda fondo," asina Sra. Reina Geerman, presidente di WCA, a expresa. "Nos por yuda nos comunidad, specialmente caminda e necesidad ta mas grandi y nos ta masha satisfecho. Nos tin confiansa cu e fondonan aki lo yuda mehora e bida di esnan den necesidad na un forma significativo".

E contribucionnan aki tin como meta, pa fortalece e esfuersonan di cada organisacion, permitiendo nan pa sigui cu nan trabou indispensable den



comunidad y asina provee refugio, sosten medico, educacion y asistencia general na esnan cu tin mas mester di dje. Tocante Women's Club of Aruba WCA ta un organisacion di hopi aña di dedicacion pa mehora bida di mucha, hende muhe y adulto mayo pa medio di varios iniciativa di caridad y programanan di sosten comunitario rond Aruba. Celebrando 90 aña di

servicio na comunidad, di sosten y cambio positivo WCA ta sigui di ta un pilar riba nos pais.

Clasificados





SOLODIPUEBLO@GMAIL.COM
CEL. 585 9500



KIA TA CONTRIBUI ACTIVAMENTE NA COMUNIDAD DURANTE ARUBA DOET



Oranjestad – Den conexion cu e accion boluntario nacional Aruba Doet, Korrektie Instituut Aruba (KIA) a demostra e aña aki cu nan tambe ta contribui na nos comunidad. Bou di e iniciativa nobo di “KIA Doet”, tanto empleadonan como detinidonan di KIA a traha boluntariamente pa yuda e barrio di Lago Heights na Sanicolas.

E aña aki KIA Doet a colabora cu Centro di Barrio



Lago Heights (CBLH), cu ta wordo considera un punto di encuentro importante pa e barrio di Lago Heights. Bou di guia y supervision, detinidonan a chapi y haci e tereno rond di e centro limpi. Como resultado awo e area aki ta mas accessible pa ciudadanonan principalmente nos muchanan y hoben.

E ta importante pa subraya cu pa e detinidonan, e proyecto aki no ta simplemente un tarea cu

nan tin cu cumpli cu ne. E ta un proyecto cu ta duna nan e oportunidad pa tuma responsabilidad, pa duna nan aporte y pa sinti cu nan ta contribuyendo den un forma positivo na nos comunidad, apesar di nan pasado.

E iniciativa di KIA Doet ta basa ariba e pensamiento cu cada persona tin e balor y tambe e derecho pa haya oportunidad di haci bon den nan bida, no obstante

nan pasado. KIA ta dunando su detinidonan e oportunidad pa yuda contribui na algo cu ta mas grandi cu nan mes. Di e forma aki nan por traha ariba un futuro mas positivo basa ariba compromiso y respet den nan trayecto di re-socialisacion y re-integracion.

Cu tipo di proyectonan aki KIA kier demostra cu e trayecto di re-socialisacion y re-integracion pa su detinidonan ta cuminsa cu union y empatia. Pesey KIA ta pone hopi enfasis ariba engradese e colaboracion entre institucionnan y organisacionnan di barrio creando impacto real y duradero pa su detinidonan den nan trayecto di re-socialisacion y re-integracion.

No obstante cu KIA tin falta di personal, nan ta keda motiva pa sigui



duna aporte balioso na nos sociedad. Esaki den cuadro cu e vision di KIA ariba re-socialisacion y re-integracion di detinidonan, den cual participacion activo y tuma responsabilidad ta fundamental. KIA tin como meta pa sigui enfoca ariba incitativanan manera KIA Doet cu ta genera un efecto positivo tanto pa su detinidonan como pa su empleadonan.

FORTIFICA Y AMPLIA SERVICIO: NOS TIN CU BAY TRAHA HUNTO PA MEHORA CALIDAD DI BIDA Y DI CUIDO

Recientemente Minister di Salud Publico, Asuntonan Social, Cuido di Adulto Mayor y Cuido di Adicto drs. Mervin Wyatt-Ras a haci bishita oficial na Wit Gele Kruis Playa, caminda el a haya un presentacion extenso riba e trabou valioso cu WGK a bin ta hiba pa hopi aña caba riba nos isla.

Compañia pa su team, director Edwin Roos a duna informacion riba

henter e personal y trabou di cada departamento cu ta cay bou di WGK.

Entre otro WGK su trayectoria di mas di 65 aña brindando cuido na nos comunidad. Ayudo den cuido y asistencia na cas, cu ta algo cu hopi ta conoci cu ne. E guia y control di baby recién naci te cu cierto edad, caminda ta screen e crecimiento/alimentacion y desaroyo, pa mira cu esaki ta uno saludabel. Asina

por menciona diferente otro servicio ademas di esun mas recién, cu ta e asistencia pa transporta patient di dialyse na consulta/ tratamiento y bek cas.

Minister Wyatt-Ras a indica cu personalmente a experiencia di cerca e cuido cu nan ta brinda. Hopi ta e pashentnan cu a sa di expresa nan gratitud pa cu e trato ricibi. Como ministerio e ta algo cu



nos mester keda stimula, pa sigui brinda e cuido di calidad y sostene e trabou cu nan ta eherce. Ta desea exito na tur, tambe

minister a expresa di bay fortifica e laso pa asina hunto amplia e mantelzorg cu ta brinda e comunidad..

Minister Geoffrey Wever:

ARUBA LO PARTICIPA CU UN DELEGACION COMERCIAL DI 30 COMERCIANTE NA AGROALIMENTARIA 2025 NA REPUBLICA DOMINICANA

Conforme e Plan di Gobernacion 2025-2028 Gabinete AVP-Futuro y di acuerdo cu e vision di Minister di Finansa, Asunto Economico y Sector Primario, Geoffrey Wever, pa baha e costo di bida na Aruba y tambe mitiga e impacto di aumento di prijs di producto cu Aruba ta importa di Merca, cu enfoque special riba reduci gasto di alimentacion y explora expansion di importacion den region, Aruba ta prepara pa su participacion den Agroalimentaria 2025, un di e ferianan agricola mas importante di Caribe, cu lo tuma lugar di 28 te 31 di mei 2025 na Santo Domingo, Republica Dominicana.

E participacion oficial di Aruba lo ta lidera pa Departamento di Asunto Economico, Comercio y Industria (DEZHI), den colaboracion estrecho cu e Consul y Vice-Consul di e Consulado General di Republica Dominicana na Aruba. Un total di 30 comerciantenan Arubiano lo participa den Agroalimentaria 2025, representando un variedad di sector cu ta interesa especialmente den producto agrícola y bebida.

Pa kico Agroalimentaria 2025 ta importante pa Aruba? E situacion economico mundial ta den constante cambio, cu aumento di tarifanan di importacion for di Merca y otro paisnan strategico. Pa e motibo aki, Aruba mester sigui busca alternativa sostenibel pa fortalece su economia, diversifica su lasonan comercial y explora fuentenan nobo pa importacion y inversion.

Agroalimentaria 2025 ta un plataforma strategico, caminda

empresarionan Arubiano por:

- Traha conexion directamente cu negoshinan Dominicano;
- Amplia nan red di contacto regional;
- Explora colaboracionnan nobo den e sector agricola.

Beneficianan pa comerciantenan Arubiano

Durante e feria, comerciantenan por participa den rondanan di negoshi, reunionnan directo cu exportadonan Dominicano, y asisti na conferencianan y presentacionnan relaciona cu e desaroyo actual y futuro di e sector agricola. Esaki ta duna nan e oportunidad pa examina e productonan Dominicano personalmente, evalua nan calidad, y explora posibel importacion pa Aruba.

Desde 2018, DEZHI a tuma un rol activo den coordinacion di e misionan comercial, den colaboracion estrecho cu e Consulado di Republica Dominicana na Aruba, y esey lo continua di e mesun manera den e edicion di e aña aki. Ademá, danki na sosten di gobierno Dominicano, un ruta maritimo nobo a wordo estableci entre Republica Dominicana y Aruba via Don Andres, cu ta facilita transportacion consolida di carga. Esaki ta elimina un di e mayor obstaculo logistico cu tabata existi den pasado, y lo haci participacion den Agroalimentaria 2025 ainda mas atractivo pa nos comerciantenan y importadonan.

“Cu e mision comercial aki nos ta activamente buscando mercadonan nobo, mercadonan



mas economico y asina trata na baha prijs di cuminda, mitiga e impacto negativo cu e Trade War por tin y crea oportunidad nobo pa nos comerciantenan.”, segun Minister Geoffrey Wever.



PIONERONAN CIENTIFICO, PAISAHENAN NATURAL Y UN CULTURA CALUROSOSO DI UZBEKISTAN



Den e articulo final aki, nos ta descubri e briyantenan científico cu Uzbekistan a duna mundo, cu nan inventonan cu a cambia e curso di historia. Tambe, nos ta explora

e paisahenan natural impresionante cu e pais aki ta ofrece y ta termina cu un bista di su cultura caluroso y autentico, cu ta haci Uzbekistan un experiencia inolvidabel pa



tur bishitante.

Uzbekistan a produci tambe numeroso figura historico cu a contribui na forma mundo. Un di e figuranan historico aki ta Al-Khwarizmi. El a nace den e region di Khorezm, Uzbekistan, y a cambia mundo cu su inventonan, manera algoritmo y algebra. Awe, tur aparato, di smartphone pa computer, ta funciona cu algoritmo. Ademá, algebra, e materia cu el a funda, ta wordo instrui mundialmente. El a inventa tamben e cifra o, cu a cambia e forma cu nos ta conta y calcula. Otro figura historico conoci ta Ibn Sina. El a nace den e ciudad di Bukhara, Uzbekistan, y a contribui na e desaroyo di e mundo medico. Biruni, un historiado y geografo famoso, a crea e prome globo mundial den Centro di Asia y a skirbi cu tabatin

un continente tras di e ocean. El a "descubri" America 5 siglo prome cu Columbus. Tin hopi mas científico y figura historico famoso naci na Uzbekistan cu a contribui n'e desaroyo di e mundo den cual nos ta biba awe.

Uzbekistan ta tambe un destino grandi pa amantenan di naturalesa. E desierto di Kyzyl-Kum, cu ta cubri un gran parti di Uzbekistan, t'e hogar di un flora y fauna unico. Bishitantenan hopi biaha ta campa y keda den drumi den e desierto aki. Uzbekistan ta alberga tamben varios cadena di sero, manera e Tian Shan y Chatkal. E areanan montañoso aki ta ofrece paisahenan impresionante p'e amantenan di naturalesa. E Lago Aral ta tambe un area cu turistanan ta gusta bishita. E Lago Aral, un biaha e di cuater lago mas grandi na

mundo, a perde mas di 90% di su superficie y awo ta un di e problemanan ambiental mas grandi na mundo.

A papia di Uzbekistan, ta importante pa menciona cu Uzbekistan tin un di e culturanan mas autentico na mundo. Di cuminda dushi pa trahe colorido, e cultura Uzbek ta conoci pa su hospitalidad caluroso.

Finalizando, ta importante pa menciona cu door di establece partnership nobo, sea den comercio, turismo of educacion, ambos pais (Aruba y Uzbekistan) por habri un capitulo nobo den nan relacion, fomentando asina intercambio cultural y un comprension mas profundo entre nan.

Fuente: Adkhamjon Janobiddinov (adkhamcollege@gmail.com)

CAS DI CULTURA SU BATTLE OF THE BANDS TA REGRESA NA PASEO HERENCIA DIA 29 DI MEI



Oranjestad, Aruba — Prepara pa un anochi di talento, energia electrico y competencia fuerte—Cas di Cultura su Battle of the Bands ta bek y ta cla pa sende e escenario na Paseo Herencia riba diaranson, 29 di mei pa 7:30.

E aña aki, cuater banda local ta bai competi cu nan propio style y nan propio historia pa conta cu ta The 1986, Lurk, Medicis, y Slow People, Fast Food. Nan lo bai participa den un bataya musical pa mas di 3,000 florin na premio. Aruba por

spera riffnan dinamico, vocalisacion poderoso y presentacionnan inolvidabel.

Agregando na e emocion di e anochi, e ganadonan di aña pasá, Circle of Fifth, lo regresa riba e escenario cu un presentacion. Battle of the Bands ta pa celebra arte musical local, e spirito di comunidad y e futuro di e escena musical di Aruba. Nos ta hasi un yamada na tur amante di musica pa sali y sostene nos talento local. Carchinan ta obtenibel na Cas di Cultura, Plaza Book

Shop, y riba Pay.aw. Pa mas informacion tocante Battle of the Bands, bishita www.casdicultura.aw, sigui nos riba nos rednan social, of tuma contacto cu nos na 582-1010.

—
PRESS RELEASE
CDC's Battle of the Bands Returns to Rock Paseo Herencia on May 29th Oranjestad, Aruba — Get ready for a night of raw talent, electric energy, and fierce competition—Cas di Cultura's Battle of the Bands is back and set to ignite the stage at Paseo Herencia on Wednesday, May 29th at 7:30pm.

This year's lineup brings together four bold and original local bands, each with their own sound and story to tell, The 1986, Lurk, Medicis and Slow People, Fast Food. They'll go head-to-head in a high-stakes musical battle for glory and over Afl. 3,000 in prizes. Expect killer riffs, powerhouse vocals, and unforgettable performances as these bands fight for the top spot.

Adding to the night's excitement, last year's winners, Circle of Fifth,

will return to the stage with a special performance, showing everyone what it takes to win.

Battle of the Bands is all about celebrating local artistry, community spirit, and the future of Aruba's music scene.

We're calling on all music lovers to come out, make

some noise, and support our homegrown talent. Tickets are available at Cas di Cultura, Plaza Book Shop, and on Pay.aw.

For more information about Battle of the Bands, visit www.casdicultura.

aw, follow us on our social media channels, or contact us at 582-1010.



Directie Voogdijraad

Directie Voogdijraad kier a anuncia fayecimento di

Sra. Catharina Petrochi
mihor conoci como Catrien, tanta di Sra. Ludwiska Petrochi, Raadsonderzoeker y ex colega (cahera) di Voogdijraad.

Acto di entierro lo tuma lugar diamars 27 mei 2025 di 9am pa 11am na Aurora Funeral Home.

Nos te desea Ludwiska y famia henter hopi forza den e momentonan difícil aki, di parti directie y personal di Directie Voogdijraad.



Directie Voogdijraad

Directie Voogdijraad kier a anuncia fayecimento di

Sra. Gloria Tromp-Vrolijk,
mama di Sra. Sandy (Carina) Tromp, Medewerker Klantenservice, cual acto di entierro lo tuma lugar dialuna 26 mei 2025 di 9am pa 11am na Aurora Funeral Home.

Nos te desea Carina y famia henter hopi forza den e momentonan difícil aki, di parti directie y personal di Directie Voogdijraad.

FILOMENA COLLEGE MAVO SU HARDIN

Stimulando plantamento na scol, Filomena College MAVO na San Nicolas a dedica Aruba Doet 2025 na e tuintje banda links di e edificio plantando varios mata.

E grupo di docente, alumno y boluntario a haci bon trabou plantando e matanan cu den algun luna lo tin un resultado bunita.

Filomena College MAVO y directorado ta gradici meneer Ebby Goedgedrag



pa a fungi como motor y boluntario principal di Aruba Doet 2025 pa e scol y sigur cada boluntario grandi y chikito cu tawata presente.

Danki na e maestronan Arends, Holsman, Lampe, Panthoflet, Aroeman, Oduber, Mahendrepersad y Leslie.

Cada alumno ta awo stimula pa sigui mantene e hardin den bon condicion.



Comite Olimpico Arubano presenta na “ Foro Solidaridad Olimpica”



Awe ta inicia na San Juan, Puerto Rico e Forum di Olympic Solidarity pa Comitenan Olimpico Nacional di habla hispana di e continente Panamericano. Aki lo ricibi tur informacion di e plan 2025-2028 di

Solidaridad Olimpico. COA ta bon representa, den persona di Monica Fajardo cu ta e Director di Deporte y Jonathan Wever como Director di Operacion. Nan lo ricibi tur informacion relaciona cu e programanan di



Olympic Solidarity y Panamerican Solidarity cu lo ta disponibel pa e Comitenan Olimpico pa e ciclo 2025-2028. Ademá

di esaki, lo participa den diferente tayer unda lo intercambia conocimiento y “best practices” riba temanan importante pa

asina hunto cu tur otro Comité Olimpico presente y tin e oportunidad di haci tur pregunta importante pa COA. #TEAMARU

Minister di Salud Publico drs. Mervin Wyatt-Ras ta honra graduadonan di “Class of 2025” di Xavier School of Medicine



Minister di Salud Publico, drs. Mervin Wyatt-Ras, a forma parti di e ceremonia di graduacion di Xavier School of Medicine, caminda e minister a duna un discurso na e graduadonan di Class of 2025, nan famia, amigonan, docente y miembro di e Board of Trustees. Durante su discurso

diasabra ultimo, Minister Wyatt-Ras a expresa su gran honor di por ta parti di e celebracion grandi aki cu ta un punto crucial den bida di e graduadonan, tanto esnan for di exterior como e grupo di graduadonan local. “Ta un placer pa mi pa comparti e momento aki cu boso, ora cu boso ta cera un capitulo

importante y ta habri un capitulo nobo y desafiante,” e Minister a bisa. EmandatariodiSaludPublico a felicita e graduadonan pa nan determinacion y perseverancia durante nan trayectoria aki na Aruba, indicando cu nan no solamente a logra pasa nan examen cu exito, pero nan



a gana un posicion den un comunidad mundial di salud cu tin necesidad urgente di nan energia, conocimiento y compasion. Minister Wyatt-Ras a subraya cu e profesion di cuida di salud no ta solamente relaciona cu medicina, pero tambe di humanidad. “Un bon cuidado ta esun cu ta duna un diagnostico corecto, pero tambe ta scucha su pashentnan cu atencion” e mandatario a expresa. “Salud ta relaciona cu confianza, empatia y presencia.” Minister Wyatt-Ras tambe a haci un yamada na e graduadonan pa considera un dia bolbe sirbi den region, incluyendo Aruba mes,

caminda e necesidad pa profesionalnan di salud ta crece continuamente. Na final, Minister a reconoce e facultad y staf di Xavier University pa nan dedicacion den formacion di e profesionalnan, pero tambe di su rol social. Ademá Minister Wyatt-Ras a dirigi palabra di gratitud na e famianan cu a guia y apoya e graduadonan pa yega e meta final. “Graduadonan di Class of 2025, esaki ta boso momento. Boso tin e formacion, e diploma y awor e responsabilidad. Uza esakinan cu sabiduria y cu balentia. Uza esakinan bon! Masha Pabien!

Truck ta kentel y keda di banda na Sero Biento




SERO BIENTO - Diasabra merdia algo pasa di 12pm a sosode un accidente riba e caminda di Sero Biento pa Santa Marta. Un dump truck carga

cu santo, baranca y mas sushi a hañe den un desgracia ora e twt bayendo direccion zuid riba e caminda di Sero Biento cerca di HOME BEST SUPERMARKET.



Momentobcu tawata jegando e t-weg un auto lo a sali su dilanti y e manehador di e dump truck a bay maniobra e vehiculo carga pa e no dal e auto cu a sali su dilanti.


E la purba lora na su man drechi cu consecuencia e truck a bolter y tur e sushi cu tawata den e baki patras a basha y a hasi daño na un suv cu tin para banda di caminda.

Niun hende no a resulta herida, mester a solicita pa takelwagen pa bolter e truck bek y pa despues cuminsa cu e limpieza di e sushi cu a cay plama. Polis tambe tawata necesario pa tuma datos y trata na haya e auto cu a ocasiona e accidente aki, cu danki Dios no a costa bida di niun hende.





Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - May 25, 2025

CATOCCHI Sorteo # 4630 0113 1512 2957 MULTI-X X2 BIG 4 Sorteo # 4630 3765 MULTI-X X2 1OFF Sorteo # 2686 8949 ZODIAC Sorteo # 4630 1709 Sagitario LUCKY 3 Sorteo # 1504 005 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 525.000,-	LOTTO DIA Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 350.000,-	MEGA Sorteo #	Afl. 480.000,-	KORSOU Sorteo #	
LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 525.000,-									
LOTTO DIA Sorteo # 0 x Jackpot 0 x Match 4 0 x Afl. 8,00	Proximo Jackpot 53.000,-									
MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 350.000,-									
MEGA Sorteo #	Afl. 480.000,-									
KORSOU Sorteo #										



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - May 25, 2025

CATOCCHI Sorteo # 8553 5054 8294 0757 MULTI-X X2 BIG 4 Sorteo # 7597 5104 MULTI-X X2 1OFF Sorteo # 2302 0370 ZODIAC Sorteo # 6356 6786 Cancer LUCKY 3 Sorteo # 1286 436 MULTI-X X2	LOTTO 5 Sorteo # 2595 0 x Jackpot 1 x Match 4+ 17 x Match 4 588 x Afl. 12,00	05-06-09-15-17 Joker 7 Letter F Proximo Jackpot 550.000,-	LOTTO DIA Sorteo # 6836 0 x Jackpot 5 x Match 4 150 x Afl. 8,00	10-15-19-23-26 Proximo Jackpot 54.000,-	MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 350.000,-	MEGA Sorteo #	Afl. 480.000,-	KORSOU Sorteo #	
LOTTO 5 Sorteo # 2595 0 x Jackpot 1 x Match 4+ 17 x Match 4 588 x Afl. 12,00	05-06-09-15-17 Joker 7 Letter F Proximo Jackpot 550.000,-									
LOTTO DIA Sorteo # 6836 0 x Jackpot 5 x Match 4 150 x Afl. 8,00	10-15-19-23-26 Proximo Jackpot 54.000,-									
MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 350.000,-									
MEGA Sorteo #	Afl. 480.000,-									
KORSOU Sorteo #										

Grand Master Chaco Cornelio y Grand Master Melvin Rasmijn a ricibi nan respectivo Certificadonan di Dan



Den fin di siman Grand Master Chaco Cornelio y Grand Master Melvin Rasmijn di Chaco Taekwondo Academy a ricibi nan respectivo Certificado di Dan di The World Taekwondo Jidokwan Federation for di e Presidente Seung Wang Lee.

Grand Master Chaco Cornelio a ricibi su Certificado di 9 Dan y Grand Master Melvin Rasmijn a ricibi su Certificado di

8 Dan den Jidokwan. Un trayectoria largo den Arte Marcial Koreano pa por a yega asina leu den e Federacion di Jidokwan y awe Chaco Taekwondo Academy ta conta cu dos Grand Master den The World Taekwondo Jidokwan Federation.

Pabien na Grand Master Chaco Cornelio y Grand Master Melvin Rasmijn di Chaco Taekwondo Academy pa nan logro grandi.

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

Paga bo cuenta online ta facil

Sea
Abonnement
of Aviso



Pago online,
facil y lihe

SOLO Di Pueblo

**Pa hasi pago online pone number y adres na
cuenta di banco RBC Sunmax Printing
account # 7700000100152447**

HOMENAJE NA REMBRANDT' di e pintor Arubiano GN



Diadomingo 25 di mei, di 10:00 pa 17:00 hr, lo tin mercado nacional cu diferente disciplina di arte riba Plaza De Brink, (un mercado manera na 'Montmartre' di Paris y otro luganan turistico). Gustave Nouel (www.gustavenouel.nl), especialista den portret contemporaneo, ta invitado especial (atrobe) pa comparti su performance di pintura 'HOMENAJE NA REMBRANDT' cu e publico presente na Deventer. Durante su juventud, Gustave a logra hopi experiencia artistico riba plaza y caya internacionalmente,

entre artista y pintornan di henter mundo. GN a hasi hopi hende feliz cu su "portretnan crea riba caya".

Riba 'De Brink', e plaza central di Deventer, Gustave lo bin cu varios miembro di asociacion di artista DAK (<https://www.dak.nl>).

Clasificados


CLASSIFIEDS

SOLODIPUEBLO@GMAIL.COM
CEL.585 9500

SOLO De Pueblo

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu dolor na nos curason,
nos ta anuncia fayecimento di:



Judith Elizabeth Lacle

*08-08-1942 - †23-05-2025

Acto di entierio lo wordo anuncia despues

FORTALEZA PA FAMILIA

Scirbi pa Pastor Marcel Balootje.

DIOS SEMPER TA YEGA NA ORA

Dios nunca ta laga nos bandona ni tampoco decepciona, pasobra e a priminti ti esey, y locual Dios priminti, Dios ta cumpli cune.

Mas nos hala na banda di Dios, mas nos lo compronde Su compromiso cu nos, awendia hopi hende no por para riba nan compromiso cu Dios, nan ta hiba un bida di promesa di boca, pero na final di dia no ta cumpi; cu locual nan a promete na Dios.

Wak con facil, lihe, y sin pensa hende ta kibra nan promesa matrimonial. For di ora un hende tin pensamiento di infidelidad, ya pica a dreña.

Ora un tata no ta cria su yiu, teniendo un bon trabao y un bon entrada, e a kibra cu su promesa paternal.

Cada biaha cu nos keda, sin cumpli cu mandato di Dios, nos ta fria y kibra relacion cu Dios poco, poco.

Ora nos yega dilanti di Dios, nos no por tira falta riba otro, manera mucha di scol, bisando cu ta pa falta di hende, pasobra ta asina Adam a kere, y a tira e falta riba Eva, pero e falta a cay riba su mes.

Ta tempo pa nos bira hopi serio, si hopi serio, pasobra e palabra di Dios ta bisa cu

esun cu perservera te na final, esey lo dreña.

No cansa ni tampoco entrega, pasobra Dios semper ta na ora den nos bida, ora tur hende pensa cu nan no por mas, Dios ta presenta y haci cosnan grandi.

Nunca pensa cu bo a keda bo so, pero sigi haci esfuerço pasobra Dios lo yega na ora den bo bida, pa asina bo ricibi e bendicion cu E tin pa bo.

Senhor tin control riba nos bida, e enemigo ta haci tur manera pa haci cosnan musta difícil, pero nos tin cu haci mas oracion, ora oposicion presenta, y nunca entrega, pasobra Dios nunca ta yega laat.

Preocupacion ta hiba na desesperacion, ta pone hende perde cabe pero nos tin di tene bon cuenta locual e palabra di Dios, ta bisa den Filipensenan 4:6; No preocupa pa nada, ma den tur cos, pa medio di oracion, y suplica cu gradicimento, laga boso peticionnan ta conoci dilanti di Dios. Y e pas di Dios, cu ta surpasa tur comprendemento, lo warda boso curason y boso mente den Cristo Hesus.

Preocupacion ta haci hende fisico y mentalmente malo. Y ta pone cu hende no por haci oracion, pasobra nan mente ta hopi carga cu

circunstancia di bida, cu cosnan temporal, y asina nan fe ta debilita den cosnan di Dios.

Preocupacion ta yega serca tur hende, pero mescos cu e ta yega, Dios ta duna e formula pa sali for di dje, pesey Cristo Hesus a bisa den Mateo 11:28; Bin serca Mi tur cu ta cansa y carga y lo Mi duna boso sosiego.

Esey ta recomendacion di Dios, e no bisa cana plama bo asunto, tur rond sperando yudansa yudansa di hende, pero bini directamente serca Dios, pa asina Dios por atende bo asunto, pasobra Dios nunca lo yega laat.



Mas nos centralisa nos Fe den Dios Altisimo, mas ayudo nos por spera di parti di Dios, pasobra E ta Todopoderoso, Dios ta donjo di tur cos.

Actualmente nos ta mira mundialmente cuanto hende kier eherce poder riba otro, cuanto hende kier domina otro cu forza diabolico,

cuanto hende tin gera personal, politico, vengansa contra otro, y ta eherce dominio militar riba otro, pero den tur esaki Dios ta keda Dios y Dios semper lo yega na ora.

No keda sorpresa ora e man di Dios, sali na bo defensa, sea semper agradecido.

Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; seucha mas y papia menos, na balora e otro na pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otro na ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo